

大明會典

大明會典卷之五十八

禮部十六

蕃國禮

國初諸蕃來朝必見

皇太子及

親王。

皇帝親御殿待宴後止朝見

上賜宴會同館命禮部待之其蕃使進表亦不宣讀

蕃王來朝儀

禮部進表開正儀

洪武二年定

凡蕃王來朝至龍江驛驛官具報應天府府報

中書省及禮部以聞遣侍儀通贊舍人二員接
伴。遣應天府知府至驛禮待。前期館人於正廳
陳設蕃王座於廳之西北東向。知府座於廳之
東南西向。知府至館以賓主接見具酒食宴待
畢。知府還。蕃王送出門外。次日清晨從官復伴
送蕃王入會同館。禮部尚書奉

旨即館中宴勞。尚書至。蕃王服其國服出迎。相見宴
享如龍江驛。酒行作樂。宴畢。尚書及從官皆出。
蕃王與其從官送至館門外。明日中書省奏知
命官一員詣館如前宴勞。禮部告示侍儀司以

蕃王及其從官具服於天界寺。三日擇日朝見。前一日內使監陳設。

御座香案於

奉天殿。尚寶司設寶案於

御座前。侍儀司設蕃王與其從官次於

午門外。蕃王拜位於丹墀中道稍西。及

御座之南。其從官拜位於蕃王丹墀拜位之後。俱北

向。設方物案於丹墀之北中道東西。方物狀案

於

御前及丹墀中。受方物官位於方物案之東西。知班

二人位於蕃王拜位之北。引蕃王舍人二人位於蕃王之北。引蕃王從官舍人二人位於蕃王從官之北。俱東西相向。餘如朝會儀。是日鼓初嚴。禮部陳方物於

午門外。舉業者就案。次嚴。執事官俱入就位。接伴舍人引班舍人引蕃王及其從官立俟於

午門外。三嚴。文武官具朝服入就侍立位。執事者舉方物業蕃王等從其後。由西門入

奉天西門。至殿前丹墀西俟立。侍從奉迎

皇帝具禮服御輿以出。大樂鼓吹振作。陞座樂止。捲

簾鳴鞭報時訖。蕃王及其從官各就拜位。執事者以方物案置蕃王拜位前。贊拜。樂作。蕃王及其從官皆四拜。樂止。引班導蕃王陞殿。宣方物官取方物狀從行。俱由西陞。樂作。從殿西門入。內贊接引蕃王至。

御前樂止。贊拜。蕃王再拜。跪。稱茲遇某節。欽詣皇帝陛下稱賀。致詞訖。宣方物官跪於御前西宣狀。承制官跪承。

制詣蕃王前宣。

制訖。贊拜。蕃王俯伏。興。再拜。蕃王及宣方物官。

俱由西門出。樂作。復位。樂止。贊拜。樂作。蕃王及其從官皆四拜。樂止。禮畢。鳴鞭。

皇帝興樂作。至

謹身殿。樂止。引班導蕃王及其從官俱出見

皇太子。前一日。禮部官以蕃王所獻

東宮方物啓知。內使監設

皇太子位於

東宮正殿。蕃王及其從官次於

東宮門外。又設蕃王拜位於殿門外及殿中。其從

官拜位於殿下中道之東西。俱北向。引班二人

於蕃王拜位之北。引從官二人於從官拜位之北。皆東西相向。餘陳設如朝會儀。質明。蕃王朝見。

皇帝訖常服至

東宮門外。文武官公服入侍從。

皇太子皮弁服出。樂作。陞座。樂止。引班引蕃王入。樂作。至位。樂止。其從官俟立於殿下。東西相向。贊拜。樂作。蕃王再拜。

皇太子立受。樂止。引班引蕃王至殿西門內。贊接引至殿中。跪稱茲遇某節。詣

皇太子殿下稱賀。致詞訖。俯伏。興。蕃王復位。贊拜。
樂作。再拜。

皇太子荅拜。樂止。蕃王出。

皇太子坐。引班引蕃王從官就拜位。贊拜。樂作。從
官皆四拜。樂止。禮畢。

皇太子興。樂作。出殿門。樂止。蕃王及其從官以次
出。接伴舍人引見。

親王前期。

王府官設。

王座於正殿東稍北。西向。蕃王座於殿西稍南東。

向。蕃王拜位於座之南。

王荅拜位於座之北。蕃王從官拜位於殿門外。北向。內贊二人位於殿上之東西。承傳二人位於殿門外之東西。接伴舍人位於內贊之南。東西相向。引從官二人位於拜位之北。

王府官侍立位於殿上左右。俱東西相向。是日所司陳儀仗於殿之東西。蕃王至。

王府門外。執事者先入就位。

王皮弁服出。陞座。蕃王至殿下。由西階升。

王降座出迎於殿門外。既見。

王府官引

王由中門入。舍人引蕃王由西門入。各就拜位。贊拜。蕃王再拜。

王荅拜。就座。蕃王亦就座。引班引蕃王從官就拜位。皆四拜。禮畢。蕃王詣

王座前。

王降座。蕃王舉手揖畢。

王還府。蕃王出。

王府官送至門外。擇日錫宴於
謹身殿。拱衛司設黃麾仗於

殿廷左右。內使擎執如

奉天殿受朝賀儀。內使監陳設

御座於殿中。

皇太子座於

御座東偏稍南。

諸王座皆以次而南。俱西向。又設

諸王座於西偏。與東偏

諸王座相對。俱東向。蕃王座於殿中之西第一行

東向。次設文武一品陪宴座第二行。二品三品

三行俱東西相向。蕃王從官文武三品陪宴官

俱以序坐於西廡東向北上。和聲郎陳大樂。細樂舞隊於殿之南楹。光祿寺設御尊於殿中之南。

皇太子諸王蕃王至。二品官酒尊於殿門左右之東西。

御位司壺二人。尚酒尚食二人。東偏。

皇太子諸王司壺二人。奉酒食二人。西偏。

諸王如之。蕃王司壺一人。奉酒食一人。文武官第一行及左右第二行各司壺四人。兼供酒食。光祿寺直長於西廡各置酒尊及司壺供酒食之。

人光祿寺卿陳

御食案及

皇太子諸王食案等丞設蕃王食案於殿中。直長設殿上左右文武官及西廡食案各於其座前。諸執事者各供事。舍人引文武官常服侍立於殿門之左右。又引蕃王服其國服侍立於不官之北。引進引

皇太子諸王常服侍立殿內之左右。侍儀導引

皇帝常服陞御座。大樂鼓吹振作。鳴鞭樂止。

皇太子諸王各就座。禮部官取

旨導蕃王入就座。光祿寺卿舉

御食案進於

御前。禮部侍郎、光祿寺少卿舉食案置於

皇太子諸王之前。禮部郎中、光祿寺丞舉食案置於蕃王前。文武官及蕃王從官各以次就坐。內使監令於

御前斟酒。司壺於

皇太子諸王以下各斟酒。細樂作。奏太清之曲。和聲郎北面立舉手唱上酒。

皇帝舉爵飲。

皇太子以下皆飲。畢。樂止。酒再行。細樂作。奏感皇恩之曲。飲畢。樂止。內使監令於

御前進食。供事者自

皇太子以下各供食。大樂作。和聲郎唱上食。

皇帝進食。

皇太子以下皆食。畢。樂止。酒三行。細樂作。奏賀聖朝之曲。飲畢。樂止。進食。奏大樂。食畢。樂止。凡五進食。皆如之。酒四行。細樂作。奏普天樂之曲。飲畢。樂止。進食。酒五行。細樂作。舞諸國來朝之舞。

飲畢樂舞止進食酒六行細樂作奏朝天子之
曲飲畢樂止進食酒七行細樂作奏醉太平之
曲舞長生隊之舞飲畢樂舞止進食其西廡斟
酒進食之次亦如殿中惟不用樂宴畢

皇帝興樂作

皇太子諸王侍從還宮樂止蕃王文武官俱以次
出

東官擇日宴蕃王是日宿衛陳設如朝會儀中書
省大都督府御史臺俱取

旨宴樂蕃王陞辇其陳設行禮如朝見儀惟不設宿

衛及傳

制方物案宣狀等官。辭

東官亦如見儀。惟不跪致詞。禮畢。中書省率禮部
官送至龍江驛。禮部設宴如初至。禮部宰還。應
天府官送起行。○二十七年更定。凡蕃國王來
朝。先遣禮部勞於會同館。明日各服其國服。如
嘗賜朝服者。則服朝服於

奉天殿朝見。行八拜禮。畢。即詣

文華殿朝

皇太子。行四拜禮。見

卷五十六
親王亦如之。

親王立受二拜。答二拜。其從官隨蕃王班次。後行禮。凡遇宴會。蕃王班次居侯伯之下。其蕃國使臣及土官朝貢。皆如常朝儀。

蕃國遣使進表

洪武二年定

前期所司於王宮內外及國內街巷結綵。設朝庭於殿上正中。表箋案於

朝庭前。香案於表箋案前。司香二人於香案左右。王拜位於殿中。衆官位於王後。俱北向。司禮二

人於王位北。引禮二人於王左右。引班四人於衆官左右。俱東西相向。使者立位於香案東。捧表箋二人於香案西。設樂於衆官拜位之後。龍亭於殿南正中。儀仗鼓樂於龍亭前。是日清晨。司印者陳印案於殿中。滌印訖。以表箋及印俱置於案。王具冕服。衆官具朝服。詣案前用印。畢用黃袱裹表。紅袱裹箋。各置於匣中。仍各以袱裹之。捧表箋官捧置於案。使者與捧表箋官各就位。引禮引王及衆官俱入就拜位。贊拜樂作。再拜樂止。王詣香案前跪。衆官皆跪。王三上香。

訖。捧表官取表東向跪進王。王受表以進於使者。使者西向跪受。興置於案。贊興。王復位。贊拜。樂作。王與衆官皆四拜。樂止。禮畢。捧表箋官捧表前行。置於龍亭中。金鼓儀仗鼓樂前導。王送至宮門外。還。衆官朝服送至國門外。使者乃行。

蕃使朝貢

洪武十八年定

蕃國初附。遣使奉表進貢方物。先於會同館安歇。禮部以表副本奏知。儀禮司引蕃使冒儀。擇日朝見。其日錦衣衛陳設儀仗和聲郎陳大樂。

於

丹陛如常儀。儀禮司設表案於

奉天殿東門外

丹陛上。方物案於

丹陛中道之左右。設文武百官侍立。位於文武樓南東西相向。蕃使服其服。捧表及方物狀。至丹墀。跪授禮部官受之。詣丹墀置於案。執事者各陳方物於案畢。典儀內贊外贊宣表展表。官宣方物狀。官各具朝服。其餘文武官常服就位。儀禮司官奏請陞殿。

皇帝常服出。樂作。陞座。樂止。鳴鞭訖。文武官入班叩頭禮畢。分東西侍立。引禮引蕃使就丹墀拜位。贊四拜。典儀唱進表。序班舉表案由東門入。至於殿中。內贊贊宣表。外贊令蕃使跪。宣表宣方物狀訖。蕃使俯伏。興。四拜禮畢。

駕興。樂作。還宮。樂止。百官及蕃使以次出。其蕃國常朝及為國事謝。

恩遣使進奉方物皆如前儀。唯不宣表。

聖節正旦冬至蕃國望闕慶祝儀

蕃王奉正朔。稱朝貢者。其國中有慶祝禮頒自

朝廷使遵行之。儀具於後。

洪武二年定

前期執事者於王宮正殿南向陳香燭案於闕庭前。王拜位於殿中。褥位於香案前。衆官拜位於王之後。俱北向。司禮司贊於王拜位之北。司香二人於香案前。俱東西相向。是日陳軍仗於王宮門之外。樂工陳樂於拜位之後。衆官先具朝服。引班於王宮門外東西。執事俱就位。王於後殿具冕服。未賜者服其服。衆官入俟。立於殿庭東西。王出。樂作。由西陞陞至拜位。樂止。衆官

就拜位。贊拜。樂作。王與衆官皆四拜。樂止。主由東門入。樂作。至褥位。樂止。贊跪。王與衆官皆跪。王三上香畢。俯伏。興。衆官皆興。王由東門出。樂作。還位。樂止。贊拜。樂作。王與衆官皆四拜。樂止。贊搢笏。三舞蹈。跪。三拱手加額呼萬歲。出笏。俯伏。興。贊四拜。禮畢。王與衆官以次出。

蕃國迎詔儀

文印初儀附

皇帝登極及冊立

皇儲則遣使頒

詔。蕃王受封。則

賜印。或有賚予。故有蕃王迎接之儀。

洪武十八年定

凡使者入蕃國境。先遣人馳報於王。王遣官遠接。

詔前期。令有司於國門外公館。設幄結綵。設龍亭於正中。設香案於龍亭之南。備金鼓儀仗鼓樂。伺候迎引。又於國城內街巷結綵。王宮內設關庭於殿上正中。設香案於

關庭之前。設司香二人於香案之左右。設

詔使立位於香案之東。設開讀案於殿陛之東北。

設蕃王拜位於中道。北向。設蕃國衆官拜位於蕃王拜位之南。與位重行。北向。設捧詔官位於開讀案之北。宣詔官位於捧詔官之南。展詔官二人位於宣讀官之南。俱西向。司禮二人位於蕃王拜位之北。引禮二人位於司禮之南。引班四人位於衆官拜位之北。俱東西相向。陳儀仗於殿庭之東西。設樂位於衆官拜位之南。北向。速接官接見。

詔書迎至館中安

詔於龍亭中遣人馳報王。王即率國中衆官及耆

儒僧道出迎於國門外。至館中。具冕服。衆官具朝服。行五拜禮。訖迎。

詔出館。至國門。金鼓在前。次僧道耆儒。次衆官。次王。次儀仗鼓樂。次。

詔書龍亭。使者常服行於龍亭後。迎至殿中。金鼓分列門外之左右。置龍亭於殿上正中。使者立於東。引禮引王入就拜位。引班引衆官人等各就拜位。使者詣前南向立。稱有。

制。司贊唱拜。樂作。蕃王及衆官以下皆四拜。樂止。引禮引蕃王由西皆陞詣香案前北向立。引禮。

唱跪。司贊唱衆官皆跪。引禮唱上香。司香捧香跪進於王之左。王三上香訖。引禮唱俯伏興。平身。蕃王及衆官以下皆俯伏興。平身。引禮引蕃王復位。司贊唱開讀。宣詔官展詔官。陞案。使者詣龍亭捧

詔書授捧詔官。捧詔官前受

詔。捧至開讀案。授宣詔官。宣詔官受

詔展詔官對展。司贊唱跪。蕃王及衆官以下皆跪。

宣詔官宣

詔書。捧詔官於宣詔官前捧

詔書仍置於龍亭。司贊唱俯伏興平身。蕃王及衆官以下皆俯伏興平身。司贊唱拜。樂作。蕃王及衆官以下皆四拜。樂止。司贊唱指笏鞠躬。三舞蹈。三拱手加額。山呼萬歲。山呼萬歲。再山呼萬歲。出笏俯伏興。樂作。四拜興平身。樂止。禮畢。引禮引蕃王退。引班引衆官以次退。蕃王及衆官釋服。使者以

詔書付所司頒行。蕃王與使者分賓主行兩拜禮。使者居東。蕃王居西。如蕃國陪臣行禮。使者立受。○正德元年題准。凡使者齋捧

詔節前往安南等國若國王請留

詔書為傳國之寶者聽○嘉靖十六年題准凡禮制

詔告天下者遇有蕃國朝貢使臣依式膳黃一道付齎回國徑自開讀行禮其恭遇

國家大典禮應該遣使

詔諭者仍遵照舊例施行

蕃國受印物

洪武三年定

使者至蕃國境先遣關人入報蕃王遣官遠接

前期有司於國門外公館設幄結綵設龍亭於館之正中備金鼓儀仗鼓吹於館所以伺迎引又於國城內街巷結綵又於王宮設

闕庭於殿上正中設香案於

闕庭之前設蕃王受賜予位於香案之前設蕃王拜位於殿庭正中北向衆官拜位於王拜位之南異位重行北向設樂位於衆官拜位之南北向司贊二人於蕃王拜位之北引禮二人於司贊之南引班四人於衆官拜位之北俱東西相向陳儀仗於殿庭之東西遠接官接見使者迎

至館所以

上賜安奉於龍亭中。遣使馳報王。是日蕃王率百官出迎於國門外。遠接官迎。

上賜出館。至國門。金鼓在前。次衆官常服乘馬行。次王乘馬行。次儀仗鼓樂。次。

上賜龍亭。使者常服乘馬行於龍亭之後。迎至殿中。金鼓分列於門外之左右。衆官分立殿庭之東西。置龍亭於殿上正中。使者立於龍亭之東。引禮引蕃王。引班引衆官各就拜位。立定。司贊唱拜樂作。蕃王及衆官皆四拜。樂止。引禮引蕃王。

詣龍亭前。使者稱有

制。引禮贊跪。司贊唱跪。蕃王與衆官皆跪。使者宣制曰。

皇帝勅使某持印賜爾國王某并賜某物。事。使者捧所賜印并某物。西向授蕃王。藩王跪受。以授左右訖。引禮唱俯伏興平身。司贊唱同。蕃王及衆官皆俯伏。興平身。引禮引蕃王出復位。司贊唱拜。樂作。蕃王及衆官皆四拜。樂止。司贊唱禮畢。引禮引蕃王入殿。西立。東向。使者東立。西向。引禮唱使者與蕃王行兩拜禮。使者降自東階。

蕃王降自西階。遣官送使者還館。

大明會典卷之五十八

大明會典卷之五十九

禮部十七



朝廷尚爵。故官員禮類依品級等次。凡拜揖序立行走迴避尊卑上下。森然各有儀節。故備述之。而儀從到任禮附焉。

凡官員拜揖。洪武二十年定。凡公侯駙馬相見各行兩拜禮。一品官見公侯駙馬。一品官居右。行兩拜禮。公侯駙馬居左。答禮。二品見一品。二品居右。行兩拜禮。一品居左。答禮。三品見二品。三品居右。行兩拜禮。二品居左。答禮。四品見三

品。四品居右。行兩拜禮。三品居左。答禮。五品見四品。五品居右。行兩拜禮。四品居左。答禮。六品以下倣此。如三品見一品。四品見二品。行兩拜禮。一品二品官。答受從宜。餘品倣此。如有親戚尊卑之分。從行私禮。○二十九年。令凡

王府將軍。與駙馬儀賓公侯相見。將軍居左。駙馬等居右。皆再拜。與文武一品至三品官相見。將軍居中。各官拜。將軍答禮。與四品以下官相見。各官拜。將軍坐受。○三十年。令凡百官。以品秩高下分尊卑。其品級近者。相見行禮。則東西對

立。稍卑者居西。高者居東。其品秩相越二三等者。卑者居下。尊者居上。其相越四等者。則卑者拜下。尊者坐而受禮。有事則跪白。如一品與二品相見。二品居西行禮。一品居東答禮。與三品四品相見。三品四品居下行禮。一品居中答禮。與五品以下相見。一品坐受。稟事則跪。餘倣此。凡司屬官品級亞於上司官者。稟事則跪。凡近侍官員。難拘品級。行跪拜禮。亦不許與外官交接。凡同僚官品級有高下者。不拘。凡大小官員於

內府相見不許跪拜○弘治十一年議准

王府長史不許行走三司中門若相見之際須以
禮待○十五年奏准陝西行太僕寺卿與御史
相見比遼東山西等處例出入行中門正道
凡官員聚坐洪武二十年定凡文武官公聚各
依品級序坐若資品相同者各照衙門次第若
王府官屬與朝官坐立各照品級俱在朝官之次
○二十五年令凡學官位於雜職之上○宣德
三年令御史給事中照品級坐○景泰三年令
六科都左右給事中內外序坐書銜俱居御史

之左○成化二年奏准凡鎮守總兵巡撫等官
列坐總兵係伯爵以上者居左巡撫係僉都御
史以上者居右若總督提督軍務等官自僉都
御史以上俱坐於總兵官侯伯之左列名於前
○五年奏准在京法司會官審囚俱於

承天門外東西重行列位公侯駙馬伯列於東班
都督等官列於東班後行尚書都御史侍郎等
官列於西班通政司大理寺佐貳官并六科掌
科給事中列於西班後行禮部會議民情俱於
闕左門東直房序坐尚書左右都御史等官上坐

侍郎副都御史等官對坐。通政司叅議大理寺
寺丞等官列於東傍。六科掌科都給事中列於
西傍。南京文武衙門公事會集序坐亦如之。○
八年奏准御史郎中員外郎主事奉

勅同差者俱照所差職名先後序坐。若郎中等官
奉

勅會同御史或御史奉

勅會郎中等官行事當以奉

勅之人坐左。次者居右。其各衙門一應公差有關
會御史者俱讓御史居左。若不係同差別處政

務相關止依品級序坐○十四年定在外總兵
巡撫官位次左右都督與左右都御史並都督
同知與副都御史並都督僉事與僉都御史並
俱文武東西伯以上則坐於左○十五年奏准
都御史係總督及提督軍務者不分左右副僉
俱坐於左總兵官雖伯以上亦坐於右

凡官員相遇迴避洪武二十年定凡駙馬遇公
侯分路而行一品二品遇公侯駙馬引馬側立
須其過二品見一品二品趨右讓道而行三品
遇公侯駙馬引馬迴避遇一品引馬側立遇二

品趨右讓道而行。四品遇一品以上官引馬迴避。遇二品引馬側立。遇三品趨右讓道而行。五品遇二品以上官引馬迴避。遇三品引馬側立。遇四品趨右讓道而行。六品遇三品以上官引馬迴避。遇四品引馬側立。遇五品趨右讓道而行。七品遇四品以上官引馬迴避。遇五品引馬側立。遇六品趨右讓道而行。八品遇五品以上官引馬迴避。遇六品引馬側立。遇七品趨右讓道而行。九品遇六品以上官引馬迴避。遇七品引馬側立。遇八品趨右讓道而行。品級相等者

分路而行。如有親戚尊卑之分。聽從迴避。○凡遇

王府將軍於道。駙馬儀賓公侯讓左。文武一品至三品官。引馬側立。四品以下官下馬。○凡內官出入。遇駙馬於道。必須下馬。遇公侯一品二品官。引馬側立。遇三品四品官。分路而行。○凡公侯駙馬一品二品官。隨從火者人等。非跟隨本官而私自出入者。凡遇文武百官。必須下馬。違者治罪。○凡所屬官遇上司官。引馬迴避。所屬官品級高者。遇上司官卑者。分路而行。○凡官

員應合迴避。而路窄不可迴避者，則下馬拱立。應分路者，不得占中道。○凡文武官員出入，應合開道，而自不開道，致令應避官員不覺迴避者，不問若因而生事者，止問上官。○凡街市軍民人等買賣及乘坐驢馬出入者，遙見公侯駙馬一品以下至四品官過，即便下馬讓道。○凡官員當避路者，若承

宣召及祠祭官詣祠所，并有捕逐者在道，雖遇應避之官，不避。

凡屬官見上司。洪武二十年令，凡屬官見上司

官必序立於堂階之上。總行一揖。上司拱手。首領官答揖。其公幹節序見上司。官皆行兩拜禮。長官拱手。首領官答禮。○四年令。凡揖禮。下見上。躬身舉手齊眼為敬。上官隨坐隨立無答。其次下官舉手齊口。上官舉手齊心答之。○五年令。凡內外掾史。令史書吏。宣使奏差人等。晨謁長官。必序立階下一揖乃退。長官不答禮。幕官拱手。○十六年令。教官生員見上司。一邊憲綱行禮。如有出郭迎送。及妄行跪禮。過為稱呼者。聽巡按御史。按察司官。依律究問。若上司故違。

憲綱者亦行糾奏○嘉靖八年令巡按御史於
守令官不許作威挫辱知府相見不許行跪禮
凡官員公座洪武二十年定凡大小衙門官員
每日公座行肅揖禮佐貳官揖長官長官答禮
首領官揖長官佐貳官長官佐貳官拱手
凡官員儀從洪武二十年定凡文武百官自四
品以上儀從并依舊制從宜五品官止許引導
一人六品以下不許引導其出郊在外儀從仍
依舊制不拘此例○二十四年更定官員儀從
公十人侯八人伯六人一品至三品六人四品

至六品四人。七品至九品二人。其役使奴婢公
侯之家不過二十人。一品不過十二人。二品不
過十人。三品不過八人。○成化元年。令凡京官
出外。四品以上。引導三對。用錫鑲藤棍。七
品以上。引導二對。用錫鑲藤棍。在外方面堂上。
官引導三對。用錫鑲銅叉藤棍。各府及鹽運司
等衙門。四品以上。官引導二對。用錫鑲藤棍。七
品以上。引導一對。用藤棍。八品九品。用竹篦一
對。引導。雖職不許引導。若府州縣官。催徵用竹
篦。荆杖。巡捕用叉刀之類。導引者不在禁限。其

京官回還鄉里本府州縣並不許引導及責罰吏民違者從巡按御史按察司官究治若風憲官僭用亦許諸司指實具奏

凡官員到任。洪武十八年定。一有司新官受職赴任者。未到城一舍二三十里而止。先令人報知禮房。更告示官屬及父老人等相率出城來會。令灑掃合祀神祇祠宇。備牲醴祭儀。以候謁告。比至城外齋宿三日。第四日清晨。父老人等導引入城。遍詣諸神祠。如儀致祭。其祝文曰。維某年月日。某官奉

郡來官。務專人事。主典神祭。今者謁神。特與神誓。神
率幽冥。陰陽表裏。予有政事未備。希神默助。使
我政興。務舉。以安黎民。予倘怠政。姦貪陷害。僚
屬凌虐下民。神其降殃。謹以牲醴致祭。神其鑒
之。尚饗。○一祭神之禮。新官到任之日。詣神廟
祭祀。禮房先備牲酒等物。陳設禮生父老人等。
導引新官同僚屬官吏詣廟。贊禮唱排班。班齊。
鞠躬拜。興拜。興平身。贊唱行初獻禮。引贊引新
官詣神位前。贊唱跪。新官跪。贊唱衆官皆跪。贊
唱獻爵。執事者捧爵于左。跪。新官獻畢。仍投執

爵者。以爵奠於神位前。贊唱讀祝。執事者取祝跪讀畢。贊唱俯伏。興平身。贊唱行亞獻禮。執事以爵酌酒奠於神位前。終獻如亞獻儀。畢。贊唱鞠躬拜。興拜。興平身。禮畢。○一新官到任之日。本衙門合備儀仗。皂隸前期一日出城伺候。至日清晨。首領官率領各房吏典并合屬生員人等迎接入城。先詣神廟祭祀畢。引至本衙門儀門前下馬。具公服。從中道入。先於月臺上聖闕設香案。禮生引新官至香案前行五拜三叩頭禮畢。上廳公座。皂隸排衙報時辰。擡書案至前。

吏房將公座呈押○一參見禮。先從皂隸次吏
典各行兩拜禮。新官坐受。次合屬官參見亦行
兩拜禮。新官拱手答禮。次首領官見行兩拜禮。
新官起身拱手答禮。次佐貳官行兩拜禮。新官
出公座答禮。如是佐貳官到任先受所屬并首
領官行禮。後至長官前行兩拜禮。長官出公座
答禮畢。諭僚屬曰。

朝廷設官置吏。欲其敬神恤民。親賢遠姦。興利除
害。其不敏忝茲重任。尚賴一二僚屬及邑中長
者。匡其不逮。庶免後艱。其四境之內。利有當興。

弊有當革者。某等當共竭力為之。以安黎庶。諭
畢。署押公文。各房吏典。將該管應有已未完結
事件。施行等項。逐一開寫。須知。呈報新官。署押
文書。如係長官。則交割印信。倉庫匙鑰等件。畢。
照依各房呈報。須知事目。逐一發落。署判公事
畢。將所祭牲酒。與官屬父老。享飲而退。其九年
考滿。仍具牲酒。率官屬父老人等。辭廟致祭。就
以祭物出郊餞別而去。其祝文及所諭之言。禮
生代說亦可。○宣德十年。奏准。各布政司。按察
司。府州縣。新官到任。於本處城隍廟。會請應祀

諸神用豬羊二牲總祀

庶人禮

凡民庶以齒為先後。致仕官序爵。爵同序齒。主處親族則不論爵。

洪武五年令。凡鄉黨序齒。民間士農工商人等。平居相見。及歲時宴會揖拜之禮。幼者先施。坐次之列。長者居上。如佃戶見佃主。不論序齒。並行以少事長之禮。若親屬不拘主佃。止行親屬禮。○十二年令。內外官致仕居鄉。惟於宗族序尊卑如家人禮。於其外祖及妻家亦序尊卑。若

筵宴則設別席。不許坐於無官者之下。如與同
致仕官會則序爵。爵同序齒。其與異姓無官者
相見不須答禮。庶民則以官禮謁見。敢有凌侮
者論如律。○二十六年定凡民間子孫弟姪甥
壻見尊長生徒見師範奴婢見家長。父別行四
拜禮。尋常近別行揖禮。其餘親戚長幼照依等
第。父別行兩拜禮。尋常近別行揖禮。平交同。

大明會典卷之六十

禮部十八

冠服一

國朝上下冠服皆損益前代之制。具載大明集禮及職掌。嘉靖初。又釐正衮冕及朝祭等服。而武弁燕弁保和忠靜等冠服特出創制。今備列焉。

皇帝冕服

衮冕

凡祭

天地。

宗廟及正旦冬至

聖節則服袞冕。見職掌祭

社稷先農兩拜亦如之。見集禮

洪武十六年定

冕前圓後方。玄表纁裏。前後十二旒。每旒五采玉十二珠。五采纁十有二就。就相去一吋。紅絲組為纓。黹纁充耳。玉簪導。

袞玄衣黃裳。十二章。日月星辰。山龍華蟲。六章。織在衣。宗彝藻火。粉米黼黻。六章。繡在裳。

白羅大帶。紅裏。

蔽膝隨裳色。繡龍火。山。文。

玉革帶。玉佩。

大綬六采。赤黃黑。白。縹。綠。小綬三色。同大綬間。
施三玉環。

白羅中單。蔽領青緣襖。

黃幘。黃舄。金飾。

二十六年定。

袞冕十二章。

冕版廣一尺二寸。長二尺四寸。冠上有覆。玄表。

朱裏。前後各有十二旒。旒五采。玉珠十二。玉簪。
導。朱纓。

圭長一尺二寸

衮。玄衣纁裳。衣六章。織日月星辰。山龍華蟲。裳六章。織宗彝藻火。粉米黼黻。

中單。以素紗為之。

紅羅殺膝。上廣一尺。下廣二尺。長三尺。織火龍山。三章。

革帶。佩玉長三尺三寸。

大帶。素表朱裏。兩邊用綠。上以朱錦。下以綠錦。大綬六采。用黃白赤玄纁綠織成。純玄質五百首。小綬三色。同大綬間織三玉環。

朱轍赤舄

永樂三年定

冕冠十有二旒。冠以皂紗為之。上覆曰紼。桐板為質。衣之以綺。玄表朱裏。前圓後方。廣一尺二寸。長二尺四寸。用月尺前後各十有二旒。每旒各五采。纁十有二就。貫五采玉珠十二。赤白青黃黑相次。以玉衡維冠。玉簪貫紐。紐與冠武。并繫纓處。皆飾以金。紼以左右垂。鼈續充耳。用黃玉以玄紼。承以白玉璫。朱紼。

玉圭長一尺二寸。刻其上。刻山四。蓋周鎮圭之

制以黃綺約其下。別以袋鞞之金龍文。

袞服十有二章。玄衣八章。日月龍在肩。星辰。

在背。水華蟲宗彝在袖。

每袖各三

皆織成。本色領標。

襖裾。纁裳四章。織藻粉米黼黻各二。前三幅。後

四幅。前後不相屬。共腰有褱積。本色紕楊。

中單。以素紗為之。青領標。襖裾領織黻文十三。

蔽膝。隨裳色。四章。織藻粉米黼黻各二。本色緣。

有紃施于縫中。其上玉鈎二。

玉佩二。各用玉珩一。瑀一。琚二。衝牙一。璜二。瑀

下有玉花。玉花下又垂二玉滴。琢飾雲龍文。描。

金自珩而下繫組五貫以玉珠行則銜牙二滴
與璜相觸有聲其上金鈎二有二小綬六采以
副之六采黃白赤玄綠綠纁質

大帶素表朱裏在腰及垂皆有綈上綈以朱下
綈以綠紐約用素組

大綬六采黃白赤玄綠綠纁質小綬三色同大
綬間施三玉環龍各皆織成

鞵烏皆赤色烏用黑絢純以黃飾烏首

嘉靖八年定

冠制以圓匡烏紗冒之冠上有覆板長二尺四

寸。廣二尺二寸。玄表朱裏。前圓後方。前後各七采。玉珠十二旒。以黃赤青白黑紅綠為之。玉珩玉簪。導朱纓。青纁充耳。綴以玉珠二。凡尺皆以周尺為度。

衣玄色。凡織六章。日月在肩。各徑五寸。星山在後。龍華蟲在兩袖。長不掩裳之六章。

裳黃色。為幅七。前三幅。後四幅。連屬如帷。凡繡六章。分作四行。太宗彝藻為二行。米黼黻為二行。


中單素紗為之。青緣領。織黻文十二

敕膝隨裳色羅為之。上繡龍一。下繡火三。繫于
革帶。

大帶素表朱裏。上緣以朱。下以綠。不用錦。
革帶前用玉。其後無玉。以佩綬繫而掩之。
圭白玉為之。長尺二寸。刻其上。下以黃綺約之。
上刻山形四。盛以黃綺囊。藉以黃錦。


朱韞赤島黃緋緣。玄纓結。

冕圖




冕衣圖


前圖




後圖




下裳圖



中單圖




大帶圖



軍帶圖

軍帶圖

革帶繫款膝圖



韋帶繫佩綬圖



鎮圭圖



戰鳥圖



皮弁服

凡朔望視朝降

詔降香進表。四夷朝貢朝覲。則服皮弁服。見嘉

靖間。令祭太歲山川等神。皆服

洪武二十六年定

皮弁用烏紗冒之。前後各十二縫。每縫中綴五
采玉十二。以為飾。玉簪導。紅組纓。其服絳紗衣。
蔽膝。隨衣色。白玉佩。鞶帶。玉鈎。黼。緋。白大帶。白
韠。黑舄。

永樂三年定

皮弁用黑紗冒之。前後各十二縫。其中各綴五采玉十二。縫及冠武弁。簪簪繫纓處皆飾以金玉簪。朱紘纓。玉以赤。白青黃黑相次。

玉圭長如冕服之圭。有脊。弁雙植文。刻其上。黃綺約其下。及有韜金龍文。

絳紗袍。本色領標襜褕。

紅裳如冕服內裳制。但不織章數。


中單以素紗為之。如深衣制。紅領標襜褕。領織

黻文十三


蔽膝隨裳色。本色緣有玉鈎二。

玉佩大帶大綬鞶鳥俱如冕服內制


皮弁圖




絳紗袍圖




紅裳圖




中單圖




大事圖




敬膝王佩




大綬圖



玉圭圖



戰馬圖



常服

洪武三年定

常服烏紗折角向上巾。盤領窄袖袍。束帶。間用金玉琥珀透犀

永樂三年定

冠。以烏紗冒之。折角向上


今名翼善冠

袍。黃色。盤領窄袖。前後及兩肩各金織盤龍一

帶。用玉

靴。以皮為之


虎圖



袍圖




帶圖



靴圖

古今卷六

五



武弁服

國初行親征遣將禮則服武弁。乘革輅其制未詳。詳定自嘉靖初年始。

嘉靖八年定

弁上銳色用赤。上十二縫中綴五采玉。落落如星狀。


韎衣韎裳韎韐俱赤色如常制。

佩綬革帶如常制。佩綬及韎韐俱上繫于革帶。烏如其裳之色。


玉圭視鎮圭差小。刻上方下。有篆文曰討罪安。

民


武弁圖




鉢衣圖




鉢雲圖



鉢輪圖



佩綬上繫革帶圖



赤舄圖



聖主圖

新刊附民

燕弁冠服

嘉靖七年定

冠。匡如皮弁之制。以烏紗冒之。分十有二瓣。各以金線壓之。前飾五采玉雲各一。後列四山。朱絳為組纓。雙玉簪。

服。如古玄端之制。身用玄。邊緣以青。兩肩繡日月。前蟠圓龍一。後蟠方龍二。邊加龍文八十一。領與兩袪共龍文五九。袷同前後齊。共龍文四九。

襯用深衣之制。黃色。袂圓袪方。下齊。負繩及踝。



十二幅

素帶朱
綠緣邊腰圍飾以玉龍九片
履玄為之。朱緣紅纓黃結。鞵用白


後

前


燕弁冠圖



右側




左側




玄端服圖

前圖




後圖




前圖


深衣圖




後圖



素帶圖



玄履圖



皇后冠服

皇后受冊謁

廟朝會服禮服。燕居則常服。見集禮

禮服

洪武三年定

冠為圓匡。冒以翡翠。上飾以九龍四鳳。大花十二樹。小花如大花之數。兩博鬢十二釵。服褱衣。深青為質。畫翟赤質五色十二等。素紗中單。蔽領。朱羅縠標襖裾。蔽膝隨衣色。以緞為領緣。用翟為章三等。大帶隨衣色。朱裏紕其外。上以朱

錦。下以綵錦。紐約用青組。玉革帶。青鞵。青烏以

永樂三年定

九龍四鳳冠。漆竹絲為圓匡。冒以翡翠。上飾翠
龍九。金鳳四。正中一龍銜大珠一。上有翠蓋。下
垂珠結。餘皆口銜珠滴。珠翠雲四十片。大珠花
十二樹。皆牡丹花。每樹花二朵。小珠花如大珠
花之數。皆穠花。每枝一朵。每枝花一三博鬚。左右共
飾以金龍翠雲。皆垂珠滴。翠口圈一副。上飾珠
寶鈿花十二。翠鈿如其數。托裏金口圈一副。

珠翠面花五事。珠排環一對。皂羅額子一。描金龍文。用珠二十一顆。

翟衣。深青為質。織翟文十有二等。

凡一百一十八對

間

以小輪花。紅領標襖裙。織金雲龍文。紵絲紗羅。隨用。

中單。玉色紗為之。紅領標襖裙。領織散文十三。或用線羅。

蔽膝。隨衣色。織翟為章三等。間以小輪花四。以緞為領緣。織金雲龍文。紵絲紗羅。隨用。

玉殺圭。長七寸。

凡

刻其上。琢殺文。黃綺約其下。

別以黃袋韜之。金龍文。

玉革帶青綺鞵。描金雲龍文。玉事件十。金事件

四

大帶表裏俱青紅相半。其末純紅。而下垂織金雲龍文。上以朱緣。下以綠緣。并青綺副帶一。

綬五采。黃赤白綠。綠纁質。間施二玉環。皆織成。小綬三色同大綬。

玉佩二。各用玉珩一。瑀一。琚二。衝牙一。璜二。瑀下有玉花。玉花下又垂二玉滴。瑒飾雲龍文。描金。自珩而下繫組五貫以玉珠。行則衝牙。二蘭


與二璜相觸有聲。上有金鈎。有小綬五采以副之。五采黃赤白。縹綠縑質織成。

青鞵。烏鞵以青羅爲之。烏用青綺飾以描金雲龍文。皂線純。每馬首加珠五顆。

九龍四鳳冠圖



束帶



裱水




卷之四

金瓶梅

卷之四

金瓶梅



常服

洪武三年定

雙鳳翊龍冠。首飾釧鐲。金玉珠寶翡翠隨用。
色圓衫。金繡龍鳳文。帶用金玉。○四年定。龍鳳
珠翠冠。真紅大袖衣霞帔。紅羅長裙。紅褙子。冠
制如特髻。上加龍鳳飾。衣用織金龍鳳文。加繡
飾。

永樂三年定

雙鳳翊龍冠。以皂轂為之。附以翠博山。上飾金
龍一。翊以二珠翠鳳。皆口銜珠滴。前後珠牡丹。

花二朵。莖頭八箇。翠葉三十六葉。珠翠樣花簪
二朵。珠翠雲二十一片。翠口圈一副。金寶鈿花
九。上飾珠九顆。金鳳一對。口銜珠結。三博簪。左
六飾以鸞鳳。金寶鈿二十四。邊垂珠滴。金簪
一對。珊瑚鳳冠。簪一副。

大衫霞帔。衫用黃色。紵絲紗羅隨用。霞帔深青
為質。織金雲霞龍文。或繡。或鋪翠。圍金飾以珠。
紵絲紗羅隨用。玉墜子環龍文。

四襖襖子。即褂深青為質。金繡團龍文。紵絲紗

羅隨用。

鞠衣。紅色。胸背雲龍文。用織金或繡。或加鋪翠。
圈金飾以珠。或素紵絲紗羅并餘色。隨用。
大帶。紅線羅為之。有緣。餘或青或綠。各隨鞠衣
色。

緣襖襖子黃色。紅領標襖裙皆織金采色雲龍
文。紵絲紗羅隨用。

緣襖裙。紅色。綠緣襖。織金采色雲龍文。紵絲紗
羅隨用。

玉帶。青綺鞞。描金雲龍文。玉事件十。金事件三。
玉花采結綬。以紅綠線羅為結。上有玉綬花一。

環雲龍文。綬帶上玉墜珠六顆。并金垂頭花板四片。小金葉六箇。紅綠羅繫帶一。

白玉雲樣玳瑁二。如佩制。每事上有金鈎一。金如意雲蓋一件。兩面釵雲龍文。下懸紅組五貫。金方心雲板一件。兩面亦釵雲龍文。俱襯以紅綺。下垂金長頭花四件。中有小金鐘一箇。末綴白玉雲朵五。

青鞵烏。與翟衣內制同。

冊寶

冊用金二片。每片依周尺長一尺二寸。闊五寸。

厚二分五釐。鐫刻真書。每片側邊立下有竅。用紅絲聯貫開闔。如今書帙之狀。背各用紅錦嵌護。藉以紅錦小襖。冊蓋以木為之。飾以渾金。灑粉蟠龍。用紅紵絲襯裏。內以紅羅銷金小襖裏。冊外以紅羅銷金夾襖裏之。五色小絲繫于匣外。

實用金龜鈕。朱綾文用篆書曰。

皇后之寶。依周尺方五寸九分。厚一寸七分。寶池用金闕取容寶。寶匣二副。每副三重。外匣用木飾與冊蓋同。中匣用金。鍛造蟠龍。內小匣仍用木。

與外匣同。小匣內置一寶座。四角雕蟠龍飾以
渾金。座上用小錦褥。褥上一置寶池。用銷金紅
羅小夾袂裹寶。其匣外各用紅羅銷金大夾袂
覆之。

皇妃冠服

凡

皇妃受冊。助祭朝會。則服禮服。燕居常服。見後禮

禮服

洪武三年定

冠飾以九翬四鳳。花釵九樹。小花如大花之數。

兩博髻九釵翟衣青質繡翟編次于衣及裳重
為九等。青紗中單。黻領朱黻標襕裾。敕膝隨裳
色。加文繡重雉為章二等。以緞為領緣。大帶隨
衣色。玉革帶。青鞵烏佩綬。

永樂三年定

九翟冠二頂。冠以皂敕為之。附以翠博山。飾以
大珠翟二。小珠翟三。翠翟四。皆口銜珠滴。冠中
寶珠一座。前後珠牡丹花二。朵莖頭八箇。翠葉
三十六葉。珠翠穠花髻二。朵。承以小連雲六片。
翠頂雲一座。上飾珠五顆。珠翠雲十一片。翠口

圈一副。金寶鈿花九箇。上用珠九顆。金鳳一對。
口銜珠結。金簪一對。

珠翠牡丹花穠花各二朵。面花二對。梅花環四
珠環各一對。

大衫霞帔衫用紅色。紵絲紗羅隨用。霞帔深青
為質。織金雲霞鳳文。或繡或鋪翠。圍金飾以珠。
紵絲紗羅隨用。玉墜子。環鳳文。

四襟襖子。即襟桃花色。金繡團鳳文。紵絲紗羅

隨用。

袍衣青色。胸背鸞鳳雲文。用織金或繡或加鋪

翠圈金飾以珠。燕居服用素。除黃外。餘色及紵
絲紗羅隨用。

大帶。青線羅為之。有緣。餘或紅或綠。各隨鞠衣
色。

緣襖襖子青色。紅領標襖裙織金雲鳳文。紵絲
紗羅隨用。

緣襖裙紅色。綠緣襖。織金花鳳文。紵絲紗羅隨
用。

玉黻。長七寸。剡其上。琢黻文。以錦約其下。并
鞞。

玉革帶。青綺鞵。描金雲鳳文。玉事件十。金事件三。

玉花采結綬。以紅綠線羅為結。上有玉綬花一。環寶相花文。綬帶上玉墜珠六顆。并金垂頭花板四片。金葉兒六箇。紅線羅繫帶一。玉佩二。如中宮佩制。玆以下環飾雲鳳文。描金。上有金鈎。

青鞵烏鞵。以青線羅為之。烏用青綺。飾以描金雲鳳文。皂線。純。每烏首加珠三顆。

常服

洪武三年定

鸞鳳冠首飾釧鐲用金玉珠寶翠諸色團衫金
繡鸞鳳不用黃帶用金玉犀○又定山松特髻
假髻花鈿或花釵鳳冠真紅大袖衣霞帔紅羅
裙紅羅褙子衣用織金及繡鳳文

冊印

冊用鍍金銀冊二片其長短闊厚與

諸王冊同冊蓋飾以渾金灑粉蟠鳳其物用裹覆
皆與

諸王同

印用金龜鈕其尺寸與

諸王寶同。文曰

皇妃之印。其餘制度皆與

諸王同。匣皆飾以蟠鳳

皇貴妃有寶。餘無寶

皇嬪冠服

四附

嘉靖十年定

冠用九翟次

皇妃之鳳大衫。鞠衣如

皇妃制。圭用次王穀文

冊

冊用銀。少殺於

皇妃五分之一。以金飾之。

內命婦冠服

洪武五年定

三品以上用花釵翟衣。四品五品用山松特髻。大衫為禮服。貴人視三品以

皇妃燕居冠及大衫霞帔為禮服。珠翠慶雲冠鞠衣褙子緣襖襖裙為常服。

皇太子冠服

皇太子陪祀

天地

宗廟及正旦冬至朝會則服袞冕

見儀禮

從祭

社稷及受冊納妃亦如之朔望朝降

詔降香進表西夷朝貢朝覲則服皮弁

見集禮

袞冕

洪武二十六年定

袞冕九章

冕九旒旒九玉金簪導紅組纓兩玉璫

圭長九寸五分

玄衣纁裳衣五章織山龍華蟲宗彝火裳四章

織藻粉米黼黻

白紗中單黻領

殺膝隨裳色織火山二章

革帶金鈎鑿玉佩

綬五采用赤白玄纁綠織成純赤質二百三十首小綬三色同大綬間織三玉環

大帶白表朱裏上緣以紅下緣以綠

白韞赤舄

永樂二年定

冕冠玄表朱裏前圓後方前後各九旒每旒各

五采繅九就。貫五采玉九。赤白青黃黑相次。玉衡金簪玄紘垂青纁充耳。周書承以白玉瑱。朱紘纓。

玉圭長九寸五分。以錦約其下。并韜。

袞服九章。玄衣五章。龍在肩山在背。火華蟲宗。

彝在袖。

每袖各三

皆織成。本色領標襖裾。纁裳四章。

織藻粉米黼黻各二。前三幅後四幅。不相屬。共

腰有襷積。本色緦裼。

中單以素紗為之。青領標襖裾領織黻文十一

絨膝隨裳色。四章。織藻粉米黼黻。本色綠有紉。

施于縫中。其上玉鈎二。

玉佩二。各用玉珩一。瑀一。瑑一。衝牙一。璜二。瑤。下有玉花。花下垂二玉滴。琢雲龍文。描金。自珩而下繫組五。貫以玉珠。上有金鈎。小綬四采以副之。四采。赤。白。纁。綠。纁質。

大帶素表朱裏。在腰及垂皆有緹。上緹以朱。下緹以綠。紐約用青組。

大綬四采。赤。白。纁。綠。纁質。小綬三采。間施二玉環。龍文皆織成。

鞵烏皆赤色。烏用黑鈎。純黑飾烏首。

皮弁服

永樂三年定

皮弁用烏紗冒之。前後各九縫。每縫中綴五采玉九。縫及冠武弁貫簪繫纓。褰皆飾以金。金簪朱纓。

玉圭如冕服內制

絳紗袍本色領標襪裾

紅裳如冕服內裳制。但不織章數。

中單以素紗為之。如深衣制。紅領標襪裾。領織

黻文十一

較膝隨裳色。本色緣。有紃施于縫中。其上玉鈎。

二

玉佩。如冕服內制。但無雲龍文。有小綬四采以副之。

大帶

大綬

韍舄赤色。皆如冕服內制。

常服

洪武元年定

烏紗折上巾

永樂三年定

冠烏紗折角向上巾

亦名翼善冠。親郡王及世子俱同。

袍赤色盤領窄袖前後及兩肩各金織蟠龍一

帶用玉

靴皮為之

冊寶

冊用金二片長闊規制蓋匣妝飾悉與

皇后冊同

寶用金龜鈕朱綬文用篆書曰

皇太子寶方厚規制池匣妝飾亦與

皇后寶同

皇太子妃冠服

禮服

洪武三年定

與

皇妃同

永樂三年定

九翬四鳳冠。漆竹絲為圓匡。冒以翡翠。上飾翠
翬九。金鳳四。皆口銜珠滴。珠翠雲四十片。大珠
花九樹。皆牡丹花。每樹花一朵。半開。小珠花如

大珠花之數。皆珠花。每枝一枝。每枝花一朵。翠葉五葉。雙博釐。左

共四飾以鸞鳳。皆垂珠滴。翠口圈一副。上飾珠

寶鈿花九。翠鈿如其數。托裏金口圈一副。

珠翠面花五事。珠排環一對。珠皂羅額子一。插

金鳳文。用珠二十一顆。

翟衣。深青為質。織翟文九等。凡一五三間以小

輪花。紅領標襖裙。織金雲鳳文。紵絲紗羅隨用

中單。玉色紗為之。紅領標襖裙。領織散文十一。

或用線羅。

較膝。隨衣色。織翟為章二等。間以小輪花三。以

紉為領緣。織金雲鳳文。紵絲紗羅隨用。

玉黻圭。長七寸。刻其上。琢黻文。以錦約其下。并
韜

玉革帶。青綺鞞。描金雲鳳文。玉事件十。金事件
四

大帶表裏俱青紅相半。其末純紅。而下垂。織金
雲鳳文。上以朱緣。下以綠緣。并青綺副帶一。
綬四采。赤白。縹綠。纁黃。皆織成。間施二玉環。小
綬三色。同大綬。

玉佩二珩。以下冑飾雲鳳文。描金。上有金鈎。以

小綬四采副之。四采赤白。纁綠纁質織成。
青韞烏韞以青線羅為之。烏用青綺。飾以描金
雲鳳文。皂線純。每烏首加珠三顆。

常服

洪武三年定

犀冠。刻以花鳳。首飾釧鐲。用金玉珠寶翠。諸色
團領衫。金繡鸞鳳。惟不用黃。帶用金玉犀。

四年又定

與

皇妃同

永樂三年定

燕居冠以皂敍為之。附以翠博山。上飾寶珠一座。翊以二珠翠鳳。皆口銜珠滴。前後珠牡丹花二朵。並頭八箇翠葉三十六葉。珠翠穠花簪二朵。珠翠雲十六片。翠口圈一副。金寶鈿花九。上飾珠九顆。金鳳一對。口銜珠結。雙博鬢左右各四片飾以鸞鳳。金寶鈿十八。邊垂珠滴。金簪一對。珊瑚鳳冠簪一副。

大衫霞帔。衫用紅色。紵絲紗羅隨用。霞帔深青為質。織金或繡或鋪翠。圍金飾以珠。紵絲紗羅

隨用。主墜子。琢鳳文。

四襖襖子。即襖桃紅色。金繡團鳳文。紵絲紗羅。

隨用。

鞠衣青色。胸背鸞鳳雲文。用織金或繡或加鋪。

翠園金飾。以珠或素。除黃外。餘色并紵絲紗羅。

隨用。

大帶青線羅為之。有緣。餘或紅或綠。各隨鞠衣。

色。

緣襖襖子青色。紅領標襖裾織金朱色雲鳳文。

紵絲紗羅隨用。

緣襖裙紅色綠緣襖織金采色花鳳文紵絲紗
羅隨用

玉帶青綺鞢描金雲鳳文玉事件十金事件三
玉花采結綬以紅綠線羅為結上有玉綬花一
珠雲鳳文綬帶上玉墜珠六顆并金垂頭花瓣
四片小金葉六箇紅線羅繫帶一

白玉雲樣玳瑁二如佩制每事上有金鈎一金
如意雲蓋一件兩面鈹雲鳳文下懸紅組五貫
金方心雲板一件兩面亦鈹雲鳳文俱襯以紅
綺下垂金長頭花四件中有小金鐘一箇末綬

白玉雲朵五

青襪舄與前翟衣內制同

親王冠服

親王助祭謁

廟正旦冬至等朝賀則服衮冕

見儀禮

受冊納妃亦如

之。朔望朝降

詔降香進表四夷朝貢朝覲則服皮弁

見集禮

衮冕

洪武二十六年定

衮冕九章

冕五采玉珠九旒紅組纓青纁充耳金簪導
圭長九寸二分五釐

青衣纁裳衣五章織山龍華蟲火宗彝裳四章
織藻粉米黼黻

白紗中單黻領青緣

蔽膝隨裳色織火山二章

革帶金鈎觿佩玉

綬五采赤白玄纁綠織成純赤質三百二十首
小綬三色同大綬間織三玉環

大帶表裏白羅朱綠緣

白韞朱履

永樂三年定

冕冠。玄表朱裏。前圓後方。前後各九旒。每旒各五采。纁九就。貫五采玉九。赤白青黃黑相次。玉衡金簪玄紃。垂青纁充耳。用青承以白玉璫。朱紃纓。

玉圭長九寸二分五釐。以錦約其下。并韜。

袞服九章。青衣五章。龍在肩。山在背。火華蟲宗。

弁在袖。

每袖各三

皆織成。本色領標襪。緙裳四章。

織藻粉米。

黼黻各二

前三幅後四幅。不相屬。共

腰有褰積。本色緋褱。

中單以素紗為之。青領標襖裾。領織黻文十一
蔽膝。隨裳色。四章。織藻粉米黼黻各二。本色綠。
有紃施于縫中。其上玉鈎二。

玉佩如

東宮佩制自珩以下。環雲龍文。上有金鈎。小綬四
采以副之。四采。赤白。縹綠。纁質。

大帶素表朱裏。在腰及垂皆有緋。上緋以朱。下
緋以綠。紐約用青組。

大綬四采亦白。縹綠。小綬三采間施二玉環。龍

衣皆織成纁質

韎烏皆赤色烏用黑紬就黑飾烏首

皮弁服

永樂三年定

皮弁用烏紗冒之前後各九縫每縫中綴五采玉九縫及冠武弁貫簪繫纁纁皆飾以金金簪朱纓

玉圭如冕服內制

絳紗袍本色領標襖裾

紅裳如冕服內裳制但不縫章數

中單以素紗為之。如深衣制。紅領。襖。襖。裾。領。織
黻文十一

蔽膝。隨裳色。本色緣。有紃施于縫中。其上玉鈎

二

玉佩。如冕服內佩制。但無雲龍文。有小綬四采
以副之

大帶。

大綬。

韍。舄。俱如冕服內制

常服

永樂三年定

冠袍帶靴俱與

東宮同

保和冠服

嘉靖七年定

冠制以燕弁為準。

親王用九襖。

世子用八襖。

郡王用士襖。俱去簪與五玉。後山皆一扇為之分
畫為四

郡王長子冠如忠靜之制用五櫛

服用青身青緣前後方龍補各一。身用素地。邊用雲。其補子

郡王以上采妝。

郡王長子織金為之

襯用深衣玉色

帶青表綠裏綠緣

履用皂綠結白韞

冊寶

冊用金二片長闊規制盡厚妝飾與

皇太子冊同

寶用金龜鈕依周尺方五寸二分厚一寸五分。

其文曰某王之寶池匣妝飾與

皇太子寶同。但


太子寶蓋匣雕蟠龍。

王則雕螭螭


九
柳
圖

保和冠圖


前




後



左側




右側




八極圖


後




前



右側




左側




七
祿
圖


後




前



右
側



左
側




保和服圖

前圖




後圖




前圖


深衣圖




後圖



帶圖



履圖



親王妃冠服

王妃受冊助祭朝會則服禮服

見集禮

禮服

洪武三年定

冠飾以九翬四鳳花釵九樹小花如大花之數兩博鬢九釵翟衣青質五色九等繡翟編次于衣及裳素紗中單黼領朱綬襍褙裙綬膝隨裳色以緞為領緣繡翟為章二等大帶隨衣色玉革帶青韞舄佩綬

永樂三年定

九翟冠二頂冠以皂縠為之。附以翠博山。飾以大珠翟二。小珠翟三。翠翟四。皆口銜珠滴。冠中寶珠一座。前後珠牡丹花二朵。盡頭八箇翠葉三十六葉。珠翠穠花鬢二朵。承以小連雲六片。翠頂雲一座。上飾珠九顆。珠翠雲十一片。翠口圈一副。金寶鈿花九箇。上用珠九顆。金鳳一對。口銜珠結。金簪一對。

珠翠牡丹花穠花各二朵。面花二對。梅花環四珠環各一雙。

大衫霞帔。衫用大紅。紵絲紗羅。隨用霞帔。以深

青為質。金繡雲霞鳳文。紵絲紗羅隨用。金墜子亦釵鳳文。

四襖襖子。

子挑紅色。金繡團鳳文。紵絲紗羅

隨用。

鞠衣青色。如深衣制。胸背金繡雲鳳文。紵絲紗羅并各色隨用。惟不用黃。燕居服用素大帶。青線羅為之。有緣。或用紅羅。

玉黻圭長七寸。剡其上。琢黻文。以錦約其下。并

韜

公主不用圭

玉革帶。青綺鞵。描金雲鳳文。玉事件十。金事件

三

玉花朵結。綬以紅綠線羅為結。上有玉綬花一。
環寶相花文。綬帶上玉墜珠六顆。并金垂頭花
板四片。小金葉六箇。紅線羅繫帶一。

玉佩二。如

東宮妃佩制。珩以下環雲鳳文。描金。上有金鈎
青鞵。烏鞵以青線羅為之。烏用青綺飾以描金
雲鳳文。皂線純。每烏首加珠三顆。

常服

洪武三年定

犀冠刻以花鳳。首飾釧鐲用金玉珠寶翠。諸色團領衫。金繡花鳳。惟不用黃。帶用金玉犀。

洪武四年定

與

皇妃同

公主冠服

與

親王妃同

間印

間用銀二片。長闊規制悉與

親王冊同

印用金龜鈕。依周尺方五寸二分。厚一寸五分。其文曰。某國公主之印。綬用朱。印池用金。池匣妝飾亦與

親王同。但

親王飾蟠螭。

公主則用飾蟠鳳。

世子冠服

世子遇

聖節。

千秋節并正旦冬至進賀表箋及其父王生日諸節慶賀皆服袞冕

袞冕

洪武二十六年定

袞冕七章

冕三采玉珠七旒紅組纓青纁充耳金簪導

圭長九寸

青衣纁裳衣三章織華蟲火宗彝裳四章織藻

粉米黼黻

素紗中單青領襪赤鞞

革帶佩白玉玄組綬

綬紫質用紫黃赤三采織成間織三白玉環

白韞赤舄

永樂三年定

冕冠玄表朱裏前圓後方前後各八旒每旒五

米縹八就各貫三采玉珠八赤白青色相次玉

衡金簪玄紉垂青纁充耳玉用青朱紘纁承以白

玉璫

玉圭長九寸以錦約其下并韜

青衣纁裳七章青衣三章火一在肩其二與華

纁宗彝各三。在兩袖皆織成。本色領標襪裾。纁
裳四章。織藻粉米黼黻各二。前三幅後四幅。不
相屬。共腰有襷積。本色縹裼。

中單以素紗為之。青領標襪裾。領織黼文九
殺。膝隨裳色。四章。織藻粉米黼黻各二。本色緣
有紃。施于縫中。其上玉鈞二。

玉佩二。如

親王之佩制。珩以下環雲龍文。上有金鈞。以小綬
四采副之。四采赤白纁綠纁質。

大帶素表朱裏。在腰及垂皆有縹。上縹以朱。下

綈以絳。紐約用青組。

大綬四采。赤白。縹綠。纁質。小綬三采。間施二玉環。皆織成。

鞮舄皆赤色。舄用黑絢。純黑飾舄首。

皮弁服

永樂三年定

皮弁用烏紗冒之。前後各八縫。每縫中綴三采玉八。縫及冠。或弁貫。簪繫纓處。皆飾以金。金簪朱纓。

玉圭如冕服內制

絳紗袍本色領標襭裾

紅裳如冕服內裳制但不織章數

中單以素紗為之如深衣制紅領標襭裾領織

黼文九

蔽膝隨裳色本色緣有紃施于縫中其上玉鈎

二

玉佩如冕服內佩制但無雲龍文有小綬四采

以副之

大帶

大綬

韞烏俱如冕服內制

常服

永樂三年定

冠袍帶靴俱與

親王同

保和冠服

制見前

世子妃冠服

永樂三年定

與

親王妃同惟冠用七翟

郡王冠服

衮冕

永樂三年定

冕冠。玄表朱裏。前圓後方。前後十旒。每旒五采
纁七就。各貫玉珠七。赤白青色相次。玉衡金簪
玄紃垂青纁充耳。用青玉朱紘纓。承以白玉瑱。
玉圭長九寸。以錦約其下。弁韜。

青衣。纁裳五章。青衣三章。粉米一在肩。其二并
藻宗彝各三。在兩袖。皆織成。本色領襦襜裾。纁
裳二章。織黼黻各二。前三幅後四幅。不相屬。共

腰有襷積。本色緋裼。

中單以素紗為之。青領。襖襖裾。領織黻文。七
蔽膝。隨裳色。二章。織黼黻各二。本色緣。有紃施
于縫中。其上玉鈎二。

玉佩如

親王佩制。珩以下琢雲龍文。上有金鈎。以小綬四
采副之。四采。赤白。纁綠。纁質。

大帶。素表朱裏。在腰及垂皆有緋。上緋以朱。下
緋以綠。紐約用青紃。

大綬。四采。赤白。纁綠。纁質。小綬。三采。間施二玉。

環皆織成

襪烏皆赤色烏用黑鉤純黑飾烏首

皮弁服

永樂三年定

皮弁用烏紗冒之前後各七縫每縫中綴三采玉七縫及冠武弁貫簪繫纓處皆飾以金金簪朱纓

玉圭如冕服內制

絳紗袍本色領襟襖裾

紅裳如冕服內裳制但不織章數

中單以素紗為之。如深衣制。紅領標襖裾領織
黻文七

黻膝隨裳色。本色綠。有紉施于縫中。其上玉鈎

二

玉佩如冕服內制。但無雲龍文。有小綬四采以
副之

大帶

大綬

鞞烏俱如冕服內制

常服

永樂三年定

冠袍帶靴俱與

親王同

保和冠服

制見前

郡王妃冠服

永樂三年定

七翟冠二頂冠以皂縠為之。附以翠博山飾以大珠翟二。小珠翟三。翠翟四。皆口銜珠滴冠中寶珠一座。前後珠牡丹花一朵。螭頭八箇。翠葉三十六葉。珠翠穠花釐二朵。承以小連雲六片。

翠頂雲一座。飾以珠五顆。珠翠雲十一片。翠口圈一副。金寶鈿花八箇。上用珠八顆。金翟一對。口銜珠結。金簪一對。

珠翠牡丹花。穠花各二朵。面花二對。梅花環四珠環各一對。

大衫霞帔衫用大紅紵絲紗羅隨用。霞帔以深青為質。金繡雲霞翟文。紵絲紗羅隨用。金墜子亦釵翟文。

四襖襖子。即褂子桃紅色。金繡翟文。紵絲紗羅隨

用。

鞠衣青色。胸背金繡雲翟文。紵絲紗羅并各色隨用。惟不用黃。燕居服用素。

大帶青線羅為之。有緣。或用紅羅。

玉黻圭長七寸。剡其上。琢黻文。以錦約其下。并韜。

玉革帶青綺鞶。描金雲翟文。玉事件十。金事件三。

玉花采結綬。以紅綠線羅為結。上有玉綬花一。琢寶相花文。綬帶上玉墜珠六顆。并金垂頭花板四片。小金葉六箇。紅線羅繫帶一。

玉佩二如

親王妃佩制。珩以下琢雲翟文。描金。上有金鈎。青鞵。烏鞵以青線羅為之。烏用青綺。飾以描金翟文。皂線純。每烏首加珠三顆。

張子冠服

朝服

七梁冠。大紅素羅衣。白素紗中單。大紅素羅裳。及蔽膝。大紅素羅。白素紗二色夾帶。玉朝帶。丹縷紅花錦雞綬。玉佩象牙笏。白綃護膝皮雲頭履鞋。

公服

皂皺紗幘頭。大紅素紵絲衣。玉革帶。

常服

烏紗帽。大紅紵絲織金獅子開襖圓領。玉束帶。
皂皮銅線靴。

保和冠服

制見前

郡王冠服

永樂三年定

與

郡王妃同。惟不用圭。及少四珠環一對。

長子夫人冠服

珠翠五翟冠。大紅紵絲大衫。深青紵絲金繡翟
雞褸子。青羅金繡翟雞霞帔。金墜頭。

鎮國將軍冠服

與長子同

鎮國將軍夫人冠服

與長子夫人同

鎮國將軍冠服

與鎮國將軍同。惟冠六梁。帶用犀。

鎮國將軍夫人冠服

與鎮國將軍夫人同。惟冠用四翟。抹金銀墜頭。

奉國將軍冠服

與輔國將軍同。惟冠五梁。帶用金釵花。常服大紅織金虎豹。

奉國將軍淑人冠服

與輔國將軍夫人同。惟褙子霞帔。金繡孔雀文。

鎮國中尉冠服

與奉國將軍同。惟冠四梁。帶用素金。佩用藥玉。

鎮國中尉恭人冠服

與奉國將軍淑人同。

輔國中尉冠服

與鎮國中尉同。惟冠三梁。帶用銀鈸花。綬用盤鵬。公服。用深青素羅。常服。紅織金熊羆。

輔國中尉夫人冠服

與鎮國中尉恭人同。惟冠用三翟。褙子霞帔。金繡鴛鴦文。銀墜頭。

輔國中尉冠服

與輔國中尉同。惟冠二梁。帶用素銀綬。用練鵲。幘頭黑漆。常服。紅織金彪。

輔國中尉夫人冠服

與輔國中尉宜人同。惟大衫用丹礬紅。褙子霞帔。金繡練鵲文。

縣主冠服

珠翠五翟冠。大紅紵絲大衫。深青紵絲金繡孔雀褙子。青羅金繡孔雀霞帔。抹金銀墜頭。

郡君冠服

與縣主同。惟冠用四翟。褙子霞帔。金繡鴛鴦文。

縣君冠服

與同。惟冠用三翟。

鄉冠服

與縣君同。惟大衫用丹礬紅。褙子霞帔。金繡練鵲文。